

光緒贛榆縣志卷之十

官師下

傳

南齊

垣崇祖字敬遠下邳人宋明帝時薛安都反魏陷徐州崇祖妹夫皇甫肅將家屬及崇祖母奔胸山崇祖因將部曲據之遣使歸命太祖在淮陰授爲胸山戍主胸山邊海孤險人情未安崇祖常浮舟舸於水側有急得以入海軍將得罪亡叛具以告虜虜僞國城都將東徐州刺史成固公始得青州聞叛者說遣步騎二萬襲崇祖屯洛要去胸山城二十里崇祖出送客未歸城中驚恐皆下船

光緒贛榆縣志

卷之十

一

欲去崇祖還謂腹心曰賊比擬來本非大舉政是承信一說易遣誑之今若得百餘人還事必濟矣但人情一駭不可斂集卿等可急去此二里外大叫而來唱艾塘義人已得破虜須戍軍速往相助逐退船中人果喜爭上岸崇祖引入據城遣羸弱入島令人持兩炬火登山鼓叫虜參騎謂其軍備甚盛乃退崇祖啟宋明帝曰淮北士民力屈胡虜南向之心日夜以冀崇祖父伯並爲淮北州郡門族布在北邊百姓所信一朝嘯咤事功可立名位尙輕不足威眾乞假名號以示遠近明帝以爲輔國將軍北琅琊蘭陵二郡太守亡命司馬從之謀襲郡崇祖討捕斬之數陳計算欲尅復淮北時虜聲當寇淮南明帝以問崇祖崇祖因啟宜以輕兵深入出

其不意進可立不世之勳退可絕其闕裔之患帝許之崇祖將數百人入虜界七百里據南城固蒙山扇動郡縣以久勞封下邳縣子秦豫九年當是元年行徐州事徙戍龍沮在朐山南崇祖啟斷水清平地以絕虜馬帝以問劉懷珍云可立崇祖率將吏塞之未成虜主謂僞彭城鎮將平陽公曰龍沮若立國之恥也以死爭之數萬騎掩至崇祖馬槊陷陣不能抗乃築城自守會天雨十餘日虜乃退龍沮竟不立歷盱眙平陽東海三郡太守轉邵陵王南中郎司馬復馬東海太守沈攸之事平以崇祖爲持節督兗青冀三州諸

軍事

節南齊書本傳

垣榮祖字華先下邳人五兵尚書崇祖從父兄也宋明帝初卽位

光緒贛榆縣志

卷之十

二

除宄從僕射還徐州薛安都引虜入彭城榮祖攜家屬南奔朐山虜追之不及太祖在淮陰榮祖歸附及明帝崩太祖送榮祖詣僕射褚淵除寇朔將軍東海太守淵謂之曰蕭公稱卿幹略故以此郡相處榮祖善彈彈鳥毛盡而鳥不死海鵠羣翔榮祖登城西樓彈之無不折翅而下預佐命勳封將軍縣子出爲持節督青冀二

州刺史冠軍將軍如故

節南齊書本傳

隋

張孝徵東海令嘗築西海堰以捍潮民免水患

太平寰宇記

唐

元曖字徽明河南人開元初爲東海令於境內築兩堰西南接蒼

梧山東北至巨平山外捍海潮內瀦山水民獲灌溉之利寰宇記方輿紀

要俱云隋人今依鬱林觀石刻繫之唐

李知遠寶應中為東海令海州南有溝水上通淮楚公私漕運之

路也堰破水涸魚商絕行知遠修而復之唐封演封氏間見記

金

完顏紉森舊作完顏卞僧今改正章宗泰和六年為東海令宋商榮復攻海

州紉森復敗之還中伏矢卒贈海州刺史以銀五百兩絹百匹給

其家仍官其一子金史本傳

明

郎廷珪湖廣人洪武初知贛榆縣政嚴明民敬而畏之開國之初

光緒贛榆縣志 卷之十 三

百度皆所創建卒祀名宦南畿志

侯保北直贊皇人洪武初繼郎廷珪知贛榆縣廉明不擾有政聲

永樂間保舉交趾參政卒祀名宦

劉魁山東高唐人以進士知贛榆縣秉心公廉政教兼舉擢監察

御史卒祀名宦

王舉山東鄒縣人以進士知贛榆縣廉明有威擢監察御史祀名

宦

盛鵬河南襄城人由舉人知贛榆縣正德初以治才調沭陽均徭

薄稅興學恤民三載考績擢御史祀名宦

李璋順天固安人正德初以主事謫知贛榆縣公平正大尋復主

事祀名宦

林議福建莆田人由進士知贛榆縣勵精爲理省費節財扶善植弱教士子有儒吏風

陳治典山東東平州人由舉人知贛榆縣招撫流移省刑簡訟禁

胥役之擾祀名宦

以上嘉慶州志
引舊淮安府志

劉正亨江西新淦人由舉人知來安縣加五品服調贛榆起敝省刑修學校建倉積穀禁里甲之費後遷官去祀名宦

顧鈐浙江仁和人由舉人知贛榆縣卹民禮士招撫流亡闢荒蕪建城樓修學宮擢監察御史民爲立祠勒石祀名宦

樊兆程江西進賢人由舉人知贛榆縣繕城興學釐賦役濬近海

光緒贛榆縣志

卷之十

四

支河潮不上侵得田千頃後授工部郎分流築堤多遺績

劉一全陝西盩厔人由舉人知贛榆政尙寬平輕刑薄斂明勸懲尤重士類以遷官去民爲勒石

徐應元北直滄州人進士萬歷三十六年以主事謫任贛榆到官釋禁囚三百餘革冗役八百餘封納自投詞訟自拘與民無擾革羨耗禁包賠清匿田減正賦歲省民錢數千緡尤加意學校修鬻宮城外立堰濬河風氣一新未久以憂去

高瀟山東膠州人由選貢知贛榆縣爲治嚴明人不敢犯時值變亂多賊捕獲輒生瘞之賊由是戢崇禎壬午大兵至拒守力竭

登鼓樓衣冠北嚮拜自經死

以上嘉慶州志
引縣舊志

國朝

穆爾謨奉天人由進士知贛榆縣精明嚴毅聽決如流時羽山盜猖獗爾謨親率鄉兵勦之民賴以安內遷部主事

江南通志

俞廷瑞浙江奉化人由進士知贛榆縣清田賦減丁徭康熙十一年飛蝗入境廷瑞爲文祭于蜡以逐之蝗竟去邑志散失摻羅延訪後之諭文獻者取徵焉修學宮立壇廟建公廨崇古蹟文章政事原本經術彬彬可觀

盧化龍瀋陽人由貢生知贛榆縣緩催科輕刑罰嚴左右

李俊有漢陽人由歲貢知贛榆縣革陋規十七欵時邑有缺額丁銀一千九百兩于地丁攤征又轉漕由海道抵淮一遇覆沒閭邑

光緒贛榆縣志

卷之十

五

公賠民甚苦之俊有上書督府曰缺丁攤賠重爲贛民累查全書并各年編審冊籍贛邑原額丁一千九百四十五兩逐年審增新添三十九兩八錢除外實缺額丁一千九百五十一兩自來未蒙蠲減現在地畝攤賠民間竭蹶難支伏望題請蠲豁再上書曰缺丁攤帶之苦蒙兩次題請豁免奉部駁將缺額丁銀仍於現在丁地內帶徵所缺人丁嚴飭地方官作速招徠補足原額報部敢不竭力奉行但查贛邑人民向因兵燹逃散至今存亡莫考卽有存者而隔離久遠已視他鄉爲故土况攤丁之累未除誰肯復業至別省人民有願領墾入籍者自當加意招徠但昔之田地每畝一分四釐有奇今以攤帶之故每畝加至二分有奇誰不聞而裹足

若將缺丁豁免則累去而賦輕不獨本邑逃散者將望邦族而言歸卽他省流移者亦慕樂土而受廛不出數年自見荒蕪盡熟戶口倍增矣我 皇上視民如傷盡免天下今年租稅如天之仁亘古未有豈忍淮屬六州縣獨以區區丁銀抱向隅之泣耶况邳宿睢三邑又有例可援也同屬一府同爲一事邳宿睢旣已豁免於前海贛沐清桃安得不望恩於後謹再懇題請一視同仁萬民永賴又上書曰贛榆雖隸江南實處河北風氣土宜全同山左是以漕糧俱徵小米而解運最爲艱難因無河道以通漕也昔年禁海嘗從陸運脚費數倍于米價兼以潮河阻隔橋梁險陷民之疲苦已不堪言自海禁旣開糧從海運民力稍紓然海洋有颶濤之險

黃河有沙淺之虞覆溺漂沒歲歲不免于是闔屬有公賠之例一項有重完之苦而民之累深矣若夫交兌定限褻嚴黃河冰凍常早十月以後卽有米不能續運况攤賠之米安能取辦一時爲有司者勢不得不別爲挪墊就近買補以赴例限迨墊交之後取償于民而民力已竭於是官之累深矣夫民旣受重完之苦而官復有代墊之累官民交困莫此爲甚去歲有船戶闔姓一舟漂沒失米一百八十六石之多而士民相慶猶以爲少謂往年尙有倍蓰于是更有人船俱失者嗟乎言至於此尙忍聞哉伏思我 皇上至仁如天蠲租之詔無歲不下賑濟之施動以萬計視此一邑四千餘石之米詎足爲輕重查各省糧米多有改折者卽如淮郡之

安東縣亦以險隔黃河久經改折况贛榆海洋黃河備歷險遠又什百于安東者乎若畏罪隱默是辜恩溺職何稱民牧謹瀝血陳情伏乞援安東之例將應解四千一百一十一石四斗之漕米題請盡行改折照依漕例月糧之價徵銀起解則疲邑歷來積苦從此豁蘇矣俊有辭甚剴切當時格於成例未允所請後卒與海沐一例改折自俊有發之也著祝其存橐二卷皆官贛榆時案牘文民間至今寶其書焉

單疇書山東高密人由進士任贛榆縣性縝密有經濟才治獄訟如家人語俾各盡所欲言及人於無意中吐露隱微卽以其語詰之胥帖服無遁情故在任無冤獄稱廉平焉尋以行取遷御史官

光緒贛榆縣志

卷之十

七

至尙書

衛哲治字灼三河南濟源人雍正己酉選貢除贛榆令廉明愷悌善折獄邑人言之至今猶有出涕者後遷知海州淮安府官至工部侍郎

崔方韓直隸獻縣人由舉人任贛榆縣先是邑分四鄉繼分八鄉每鄉各分圖甲承催糧賦歲以農民輪充名曰料理卽里長之別名也當時戶口遷徙移甲易乙者不可勝計圖甲旣改無從稽查里長不勝追比一輪是役卽受刑破產甚至鬻兒賣妻以賠官稅供私索方韓憫之爲分三十鎮統以各莊順莊編里民有遷徙其賦卽撥歸遷處徵時按莊給單糧差照戶催納永除里長之弊邑

民至今誦之

蘇正蒙字養泉廣東新會人乾隆庚午舉人任贛榆縣下車問民疾苦知城夫一役爲民害惻然除之先是邑有城夫工食銀三百餘兩出自民間胥役往往藉端苛派貽累無窮自正蒙革除是役士民感之

卓雋浙江仁和人由舉人任贛榆縣廉明正直人不敢干以私理

民訟據詞批判洞若觀火有不待庭鞫而自服者作興士類整飭

澆風士民訟之

以上嘉慶州志

鄧諧有政聲善治盜賊奸宄不敢入境尤以獎進善類爲己任學

宮義塾次第修舉

光緒贛榆縣志

卷之十

八

陳鴻壽浙江錢塘人拔貢清廉有惠政先是大沙河壅塞水漲輒溢沒田廬鴻壽之官卽蠲金爲倡刻日疏濬河以暢通民無水患書法宗董其昌人至今珍之

袁坦四川江津縣人進士道光八年補贛榆知縣坦初之官周歷三十鎮召問耆老民間疾苦壯者勸以孝弟力田士輒問治何經輟輟講諭任事旣久事事實心亮節清風冠絕前後十二年以疾去官到今鄉曲婦稚無不稱縣官袁公大氏坦眞能親民故民益艱艱愛坦同治十三年二月入祀名宦祠

王慶恩山東單縣人監生同治四年署知贛榆時兵燹之後城池署獄漸益頽敝慶恩修築完備燃匪未平講求武備縣賴以安尤

精瘍醫暇則爲民療治求者日滿堂下慶恩應之無券色云 王
文炳稟尙有生存萬葉封吳元漢吳啟英三人雖已去官不盡諛
罔然期頤不昌如彥回者世蓋有之未可引史遷記馮王孫宋世
祖爲義恭作傳之例令受金求米者有所藉口也實政可傳則因
事件系無濫無隱期各有當而已

縣丞

明

王廷相字子衡河南儀封人宏治壬戌進士正德間出按陝西裁
抑鎮守中官廖堂被誣繫獄謫贛榆縣丞縣治舊燬廷相爲重建
而民不勞在任二年士樂其教民懷其德遷寧國知縣累官至左

光緒贛榆縣志

卷之十

九

都御史兵部尙書

明史本傳
嘉慶州志

教諭

明

陳紹平湖廣人贛榆教諭以師道自重遷睢州知州

陳鵬東莞人由舉人任贛榆教諭性端謹教人有方

趙鏗臨海人以知縣謫贛榆教諭月課諸生勤講論遷潮州府通

判

汪夢說貴池人由舉人任贛榆教諭立坊檢崇經術勤考課導士
以禮未幾以憂去

姚允莊浙江會稽人由舉人任贛榆教諭工於文門下士多所造

就

國朝

劉思問上元人由舉人任贛榆教諭行有坊表循循善誘與諸生賞奇析疑多所啟迪後遷推官

沈光啟臨淮人由舉人任贛榆縣教諭博聞強記叩之若虛接物冲和有飲醕之歎

汪楫儀徵人由選貢任贛榆教諭學問醕雅才華卓犖舉博學宏詞授翰林院檢討

荆來熊丹陽人贛榆教諭博學能文時與諸生拈題會課交相切劘故生徒獲觀摩之益甚於董勸

光緒贛榆縣志

卷之十

十

胡翼歛縣人由明通榜任贛榆縣教諭端慤有師範教人以敦行

克己爲要喜論文以卓薦遷東湖知縣

以上嘉慶州志

訓導

明

于槩禹城人贛榆訓導重經術崇節義卻贄賑貧與縣令陳治典同時稱竝美云

鄭登瀛南皮縣人贛榆訓導立教先倫理言動有法淹洽博物善詩文修學校宮牆整肅至今賴之

徐榛字籛實定遠縣人贛榆訓導持身恭謹善詩文有覆瓿集行世遷大理府判官

國朝

李致知盱眙人由歲貢任贛榆訓導性鯁直不隨俗以徇物訓諸生於和易中具嚴翼之氣

以上嘉慶州志

強汝諶溧陽人以舉人官贛榆訓導修學好古名義自持平居與人無纖介圭角若言行稍不合義則引繩範墨面斥之不少貸其教諸生以禮無敢干以私者以兄汝詢選縣教諭迴避改溧水訓導去之日送者幾百人後年五十五卒江甯府志有傳光緒八年縣人請祀名宦格於新章未行

守備

王鼎新字自玉江都人順治十三年任海州營中軍守備凡四載

光緒贛榆縣志

卷之十

十一

輯伍安民至今傳述

柴茂行伍有功勳順治初爲海州營中軍守備遂家焉有常所用大刀置州城外碧霞宮至今猶存

夏九韶山東沂水人贛榆縣籍由行伍任海州營左軍千總平羽山盜李應祥兄弟及邵蒲包秦鷓子等以軍功遷中軍守備康熙十六年東海復爲內地調東海營守備鎮墟溝時草萊初闢修葺城池營堡輯士卒撫窮黎漸以生聚民至今戴之

以上嘉慶州志

把總

明

苗天培荻水汎把總駐防青口鎮崇禎十六年莒賊曹武生等焚

劫贛榆縣境天培領兵迎擊與賊戰於木頭溝力竭死之

國朝

黃世爵荻水汎把總順治七年榆園賊數千人猝至略青口世爵
迎擊力戰死之

光緒贛榆縣志

卷之十

十二

光緒贛榆縣志卷之十終